

COVID-19

ՆՈՐ ՆԱՐԹԱԿ. ԱՌՑԱՆՑ ԿՈՆՍԻԼԻՈՒՄ

«Արմենիա Մարիոթ» հյուրանոցում տեղի ունեցավ Բժշկական կամավոր միություն ընդդեմ **COVID-19**-ի, չայկական բժշկական ասոցիացիայի և ՀՀ-ում գործող բժշկական տարբեր ասոցիացիաների և մասնագիտական հասարակական կազմակերպությունների ներկայացուցիչների հետ հանդիպում, որի նպատակն էր համատեղ արդյունավետ փոխգործակցությամբ ձևավորել մեկ միասնական հարթակ՝ կորոնավիրուսային հիվանդության կասկածով և հաստատված պացիենտներին սպասարկում ապահովող բուժկենտրոնների և առողջության առաջնային պահպանման հաստատությունների համար:

Հանդիպման սկզբում Առողջապահության ազգային ինստիտուտի տնօրեն Ալեքսանդր Բապարջյանը նշեց, որ առցանց կոնսիլիում հարթակի ստեղծման նպատակն է մասնագիտական ներուժի միավորմամբ հաղթահարել նոր կորոնավիրուսային համավարակը՝ իրականացնելով ոչ միայն խորհրդատվական, այլև մարտավարական գործողություններ: Հարթակում կքննարկվեն կորոնավիրուսային վարակ ունեցող պացիենտների դեպքերը բուժումն առավել արդյունավետ դարձնելու նպատակով:



Կոնսիլիումի կազմում ներգրավված են լինելու բժիշկ-համակարգողներ, բժիշկ-խորհրդատուներ, տեխնիկական համակարգողներ, ներկայացուցիչ յուրաքանչյուր բուժհաստատությունից:

Կոնսիլիում հրավիրելու ընթացակարգը գործելու է հետևյալ մեխանիզմով՝ *հիվանդանոցի ներկայացուցիչը բժիշկ-համակարգողին հայտ է ներկայացնում և տրամադրում է վարակակրի տվյալները, դրանից հետո բժիշկ-համակարգողը կապ է հաստատում բժիշկ-խորհրդատուների հետ և նրանց տրամադրում վարակակրի տվյալները, այնուհետև տեխնիկական համակարգողը տրամադրում է կոնսիլիումի*

միացման տվյալները և նշված ժամից 15 րոպե առաջ բացվում է համակարգը: Կոնսիլիումի ընթացքում բժիշկ-համակարգողը գրի է առնում մասնակից բժիշկների ելույթային քարտերը, որոնք ձայնագրվում և փաստաթղթերի հետ միասին արխիվացվում են:

COVID-19 առցանց կոնսիլիում հարթակի շրջանակներում իրականացվելու են նաև բժշկական ուղեցույցների մշակում, բժիշկների բազաների ստեղծում, տեխնիկական ուղեցույցներ և տեսախոլովակների պատրաստում:



Դասընթաց Կավասակիի հիվանդության վերաբերյալ

Առողջապահության ազգային ինստիտուտում հերթական դասընթացը նվիրված էր երեխաների շրջանում Կավասակիի հիվանդությանը, որի դեպքերը Հայաստանում արձանագրվեցին կորոնավիրուսի համավարակի հետևանքով:

Դասընթացը նախատեսված էր հանրապետության մարզերի բոլոր մանկաբույժների համար:

«Կավասակիի հիվանդություն» թեմայով վեբինարն անցկացվեց Zoom հարթակի միջոցով: Վեբինարը վարեց **Ուրգմոր Զլինիք** կլինիկայի մանկաբուժական ծառայության ղեկավար Հրաչուհի Ղապարյանը:

**Վեբինարին մասնակցեցին
250 բուժաշխատող:**





Ուղեցույց BWH-ի բժիշկների կողմից

Բժշկական կամավոր միության, Առողջապահության ազգային ինստիտուտի և Առողջապահության նախարարության սերտ համագործակցությամբ մեկնարկել են Հարվարդի կլինիկական հիվանդանոցի կողմից մշակված **COVID-19**-ի ուղեցույցի թարգմանչական աշխատանքները:

Ուղեցույցը ստեղծվել է Հարվարդի երկրորդ խոշոր կլինիկական հիվանդանոցի **Brigham and Women's Hospital (BWH)**-ի բժիշկների կողմից՝ հիմք ընդունելով հրապարակվող բժշկական գրականությունը, ԱՄՆ ազգային և պետական ուղեցույցները և փորձագետների համաձայնությունը:

Ուղեցույցի 21 բաժնում ներառված են նոր կորոնավիրուսային հիվանդության կլինիկական ընթացքի, ախտորոշման և բուժման վերաբերյալ տեղեկատվություն և տվյալներ հարակից սեղ մասնագիտական ոլորտներից:

Այս նախաձեռնության արդյունքում բուժաշխատողներին հասանելի կլինի հայերեն լեզվով **COVID-19**-ով




պացիենտների վարման վերաբերյալ Հարվարդի կլինիկական հիվանդանոցի ուղեցույցը: Այն կրթական նպատակ ունի, չի փոխարինում իրական բժշկական պրակտիկային և Հայաստանում առկա հաստատված ուղեցույցներին:

Քանի որ նոր կորոնավիրուսի վերաբերյալ մեզ հայտնի տվյալները

մշտապես փոփոխվում են, ուղեցույցը պարբերաբար թարմացվում է՝ ընդգրկելու համար նոր կամ վերանայված տվյալները:

Ուղեցույցի հայերեն տարբերակը շուտով հասանելի կլինի covidprotocols.am կայքում:





551 ՆՈՐ ԴԵՊԲ **13** ՆՈՐ ՄԱՅ **19708** ՀԱՍՏԱՏՎԱԾ ԴԵՊԲ

93786 ԱՆՑԿԱՑՎԱԾ ԹԵՍ **10409** ԲՈՒԺՎՈՂ ԱՆՁ

8854 ԱՊԱՔԻՆՎԱԾ ԱՆՁ **332** ԸՆԴՀԱՆՈՒՐ ՄԱՅԵՐԻ ԹԻՎԸ

ՕՊԵՐԱՏԻՎ ԶԱՆԳԵՐԻ ԿԵՆՏՐՈՆ **060 83 83 00** 